

## UČEŠĆE NUBBiH NA MEĐUNARODNIM KONFERENCIJAMA: IFLA, CENL, LIBER

### NULB&H PARTICIPATING AT INTERNATIONAL CONFERENCES: IFLA, CENL, LIBER

#### **Merima Arslankadić**

Rukovodilac Sektora za informacije i usluživanje korisnika/Head of Information Sector

NUBBIH/NULBIH

71 000 Sarajevo [www.nub.ba](http://www.nub.ba)

[merimab@nub.ba](mailto:merimab@nub.ba)

*The National and University Library of Bosnia and Herzegovina is a member of several international associations and organizations, besides them the most important is membership in IFLA (The International Federation of Library Associations and Institutions), CENL (Conference of European National Librarians) i LIBER (The Ligue des Bibliothèques Européennes de Recherche). In 2008 those associations held their annual conferences, on behalf of NULB&H dr. Ismet Ovčina, director of this Libray, have participated at this conferences.*

Nacionalna i univerzitetska biblioteka Bosne i Hercegovine članica je niza međunarodnih asocijacija i organizacija, među kojima se svakako izdvaja članstvo u IFLA-i (The International Federation of Library Associations and Institutions), CENL-u (Conference of European National Librarians) i LIBER-u (Ligue des Bibliothèques Européennes de Recherche). U 2008. godini održane su godišnje konferencije ovih asocijacija, a ispred NUBBIH aktivno učešće imao je dr. Ismet Ovčina, direktor ove biblioteke.

Godišnja 74. po redu generalna konferencija IFLA-e održana je u augustu ove godine u Québecu, u Kanadi. Kongres je privukao 4.000 bibliotekara iz 120 zemalja. Tema je bila „Biblioteke bez granica: Upravljanje ka većem razumijevanju“, što je demonstrirano putem radova izlagača, postera, društvenih događaja i izložbe. Bila je to odlična prilika da se nauči nešto novo o informacijskoj politici i praksi iz globalne perspektive. Pored niza radnih grupa, izlaganja stručnih radova bibliotekara iz različitih zemalja

svijeta, učesnici su imali priliku neposredno se upoznati i sa narodima i kulturnom baštinom Kanade.

Nacionalna i sveučilišna knjižnica u Zagrebu bila je domaćin 22. godišnje konferencije CENL – Conference of European National Librarians, koja okuplja 47 direktora europskih nacionalnih biblioteka iz 45 europskih zemalja. Cilj je bio kroz mnoge programe i projekte promovirati ulogu nacionalnih biblioteka, koje čuvaju i omogućavaju pristup svijetu znanja i informacija te pristup nacionalnoj kulturnoj baštini Europe. Jedan od takvih projekata svakako je Europska biblioteka (The European Library – TEL), čiji je aktivni član od juna 2008. i NUBBIH.

LIBER-ova godišnja generalna konferencija, 37. po redu, održana je ove godine u Koç University u Istanbulu. Bila je to još jedna prilika da se uporede i razmijene iskustva tokom konferencije koja je trajala četiri dana. Glavna tema konferencije je bila „Premošćavanje digitalnih podjela: Efektivna partnerstva među bibliotekama u eri digitalizacije“. Također, održana je pretkonferencija, na kojoj je razgovarano o strategijskim pitanjima nastalim na LIBER / EBLIDA radionici na temu Digitalizacija bibliotečkog materijala u Europi, održanoj u Kopenhagenu, u oktobru 2007. godine. Pored svega toga, nije manjkalo ni mogućnosti da učesnici bliže upoznaju Istanbul, grad bogatog kulturnog naslijeđa.



*Prisustvo NUBBIH na Konferenciji ravnatelja nacionalnih biblioteka (CENL), Zagreb 2008.*